

■ TRIBUNA POLITICA

Gea a la refurma fiscala ed a la finanziaziun da la AVS

Era or d'optica dal chantun Grischun

DA MARTIN SCHMID, CUSSEGLIER

DALS CHANTUNS PLD GR*

La Svira è in lieu attractiv per interpresas. Generalmain enconuschent èsi era che l'AVS sco la pli grond'ovra sociala sto vegnir rinforzada a mesa vista. Il project cumbinà che vegn en votaziun ils 19 da matg cumpiglia tuttas duas domenas. Il pievel ha refusà tant l'emprima refurma fiscala che voleva abolir il sistem da privilegis da taglias sco er il project da l'AVS: Cun quai n'èn ils problems dentant betg schliads. La lescha federala davart la refurma fiscala sco la finanziaziun da l'AVS tschertga da procurar per segirezza giuridica e da planisaziun per las interpresas e rinforzar l'AVS. Il project ha la finamira da mantegnair impurtantas funtaunas fiscalas e da mantegnair en il medem temp ils plazs da lavur ch'empermettan in grond rabat en Svizra.

Grazia a l'attractivdad fiscala datti in grond dumber da posts da lavur e da furmaziun e numerus manaschis furniturs. Talas interpresas pitschnas e mesaunas datti er en noss chantun. Diversas taxaziuns da taglia n'èn dentant betg cumpatiblas cun ils standards internaziunals. La Svizra è uschia vegnida sut grond squitsch. Damai che la Svizra na vul betg periclitatar senza basegn ed a moda negligenta sia posiziun dominante sco pajais attractiv ed innovativ s'engasch jau era a favur da la finanziaziun da l'AVS. I



va la finala per noss posts da lavur.

Urgent e necessari

Cun il project fiscal vengnan differentas deducziuns da taglia che na vegnan betg pli acceptadas sin plaun internaziunal remplazzadas tras mesiras progressivas che tegan quint da midadas prospectivas e reconuschidas. Interpresas activas sin plaun internaziunal pajan en l'avegnir radund duas milliardas dapl taglias. En il medem mument profitan ellas dentant d'ina pli gronda segirezza giuridica e planisatorica. Er ils manaschis pitschens e mediochers profitan. Per els sa resulta la finala ina distgargia uschè spert ch'ils chantuns han adattà lur leschas fiscalas. Er il Grischun ha preparà in project che va en questa direcziun. Plinavant vegnan era la perscrutaziun ed il svilup promovids fiscalmain. La Svizra resta uschia vinavant in lieu attractiv da perscrutaziun,

da taglia e da domicil da las interpresas.

Cun resguard social

Il project davarz la finanziaziun da l'AVS cumpiglia er ina finanziaziun supplementara per l'AVS. En il medem mument savain nus tuts era: La situaziun finanziaria da las assicuranzas socialas e cunzunt da l'AVS vegn adina mendra. Sulet per l'onn 2018 è la facultad da l'AVS/SI/SDO sa sminuida per 2,7 milliardas. Perquai ha il parlament decidì da procurar per in equilibr social dal project da votaziun cun preveder ina finanziaziun supplementara per l'AVS. Cun questa mesira pon las rentas vegnir segiradas fin ad ina refurma integrada da l'AVS che è adina pli necessaria en vista al fatg ch'ils umans vengnan adina pli vegls. Il project preschentà n'effectuescha betg ina demonstrascha sociala, mabain gida sulettamain a segirar meglier las rentas. Per pudair stabilisar las rentas a moda persistente da l'AVS èn ulteriuras mesiras necessarias. Cuntrari a la refurma fiscala III da las interpresas ch'è vegnida refusada 2017 dal pievel cun ina stgarsa maioritad è il project actual dentant era socialmain cumpurtavel. Il project è equilibrà ed impurtant per la Svizra. Perquai hai jau sustegnì questa proposta en il cussegl dals chantuns e perquai recumond jau er a vus da far il medem ils 19 da matg a l'urna.

* Martin Schmid è commember da la cumissiun per economia e taxas dal cussegl dals chantuns.